

В. Р. НАЗАРЯН, Теория и практика конституции союзной республики, Ереван, изд-во «Айастан», 1987, 242 с.

Վ. Ռ. ՆԱԶԱՐՅԱՆ, Միութենական հանրապետության սահմանադրության փոփոխությունը և պրակտիկան, Երևան, «Հայաստան» հրատ., 1987, 242 էջ:

ՍՄԿԿ XXVII համագումարի կողմից հաստատված երկրի սոցիալ-տնտեսական զարգացման արագացման, սովետական դեմոկրատիայի հետագա ծավալման և ժողովրդի սոցիալիստական ինքնակառավարման խորացման ստրատեգիական կուրսը պետք է իրականացվի սոցիալիստական օրինականության և իրավագիտության ամրապնդման պայմաններում: Եվ դա բնական է, քանի որ, ինչպես նշվեց ՍՄԿԿ Կենտկոմի 1987 թ. հունվարյան պլենումում, «Բնական դեմոկրատիան օրենքից դուրս և օրենքից վեր գոյություն չունի», «Սոցիալիստական դեմոկրատիան ոչ մի ընդհանուր բան չունի անարգելության, անպատասխանատվության, անարխիայի հետ», «Դեմոկրատացումը հարկավոր է նրա համար, որ շարժվենք առաջ, որ հասարակության մեջ ամրապնդվի օրինականությունը՝ և հաղթանակի արդարությունը, որ հաստատվի այնպիսի բարոյական մթնոլորտ, որի պայմաններում մարդն ապրում է ազատ և աշխատում արգասավոր»¹: Պլենումում նշվեց, որ «Ընթացիկ հնգամյակում պետք է մեծ աշխատանք կատարվի էկոնոմիկական, սոցիալական ոլորտն ու մշակույթը, ժողովրդի սոցիալիստական ինքնակառավարումը զարգացնելու, քաղաքացիների իրավունքների ու ազատությունների երաշխիքներն րնդլայնելու հետ կապված նոր օրենքների նախապատրաստման և ընդունման ուղղությամբ»²:

Այս բոլորը լուրջ խնդիրներ են գնում սովետական իրավագիտության առջև և բացառիկ հրատապ են դարձնում այնպիսի հետազոտությունների իրականացումը, որոնք ուղղված են կուսակցության կողմից առաջ քաշված պետական և հասարակական կյանքի հեղափոխական վերակառուցման համար անհրաժեշտ իրավական ակտերի մշակմանը, սովետական օրենսդրության հետագա զարգացման և կատարելագործման տեսական ու պրակտիկ խնդիրների լուծմանը:

Մանրամասն ծանոթանալով Վ. Ռ. Նազարյանի՝ «Միութենական հանրապետության սահմանադրության տեսությունը և պրակտիկան» մենագրությանը, գալիս ես այն համոզման, որ 4եղինակի համար ելակետային է ՍՄԿԿ Կենտկոմի հունվարյան պլենումի առաջ քաշած դրույթը՝ այն մասին, որ «Վերակառուցումը նշանակում է վճռական շրջադարձ կատարել օրենսդրություն, նրա հետ պրակտիկայի գործարար պարտնորություն՝ վերջնական բարձր արդյունքների հասնելու նպատակով, ամեն մի նախաձեռնություն գիտական պատկանելի հիմքի վրա դնելու օրենսդրություն, հասարակության նորացման կուրսը ակտիվորեն պաշտպանելու գիտնականների պատրաստակամություն և ջերմ ցանկություն»³:

Հեղինակը իր առջև նպատակ է դրել միութենական հանրապետությունների գործող օրենսդրությունների և հատկապես դրանց սահմանադրական հիմունքների խորը և լայնադարձակ հետազոտությունների հիման վրա ամբողջական ուսմունք շարադրել հանրապետությունները սահմանադրությունների էության, բովանդակության, կառուցվածքի, գործադրման պրակտիկայի մասին և գործնական առաջարկներ ու հանձնարարականներ մշակել սահմանադրության հիման վրա հանրապետական օրենսդրության զարգացման և կատարելագործման ուղղությամբ, այն հաշվով, որպեսզի այդ օրենսդրությունը առավելագույն չափով նպաստի կուսակցության XXVII համագումարի կողմից հաստատված ստրատեգիական կուրսի իրականացմանը:

Մենագրությունը աչքի է ընկնում հետազոտության առարկայի խորը և բազմակողմանի

¹ «ՍՄԿԿ Կենտկոմի պլենումի նյութերը, 1987 թվականի հունվարի 27—28-ին», Երևան, 1987, էջ 50, 52:

² Նույն տեղում, էջ 50—51:

³ Նույն տեղում, էջ 22:

լնդգրկումով, նոր բացահայտման նկատմամբ հեղինակի հանդես բերած նոր մոտեցմամբ, սո-
վետական սահմանադրության տեսության և պրակտիկայի պրոբլեմների խմացությամբ, դրանց
համակողմանի մեկնաբանումներով, ինչպես նաև տեսական ու գործնական նշանակություն ունե-
ցող հիմնավորված ընդհանրացումներով ու հետևություններով:

Աշխատության առաջին գլխում հեղինակը միութենական հանրապետության սահմանադրու-
թյունը դիտարկում է որպես սովետական սահմանադրական համակարգի օղակներից մեկը և
այդ դիրքերից լուսաբանում է դրա բովանդակությունն ու կառուցվածքը Վ. Նազարյանին հա-
ջողվել է հիմնավոր խոսք ասել սովետական սահմանադրական համակարգի էության, կառուց-
վածքի, այդ համակարգում ՍՍՀՄ սահմանադրության գրաված առաջատար տեղի և վերջինիս՝
միութենական հանրապետությունների սահմանադրությունների վրա թողած ազդեցության ձևերի
ու եղանակների մասին: Հատուկ պարագրաֆ է հատկացված միութենական հանրապետություն-
ների հիմնական օրենքների քաղաքական-իրավաբանական վերլուծությանը: Իր հետազոտություն-
ների հիման վրա հեղինակը բնույթով նոր տեսակետ է հիմնավորում սովետական սահմանա-
դրությունների գործողության սոցիալական-օգտակար արդյունքի՝ որպես այն համակարգաստեղծ
գործոնի մասին, որն ապահովում է այդ սահմանադրությունների ամրոցականությունը, կա-
յունությունը, հավասարակշռությունը և գործողության արդյունավետությունը: Հեղինակը նման
գործոն է համարում այն ցանկալի սահմանադրական իրավակարգը, որի ստեղծմանը, ամ-
րապնդմանը և զարգացմանը ուղղված է սովետական բոլոր սահմանադրությունների գործողու-
թյունը: Նման մոտեցումը հեղինակին հնարավորություն է ընձեռել օբյեկտիվ՝ չափանիշներ գտնելու
միութենական հանրապետությունների սահմանադրությունների գործողության արդյունավետու-
թյան գնահատման համար:

Մենագրության երկրորդ գլխում հեղինակի հետազոտության առարկան են դարձել միութե-
նական հանրապետությունների սահմանադրությունների ծագման և զարգացման օրինաչափու-
թյունները: Վ. Նազարյանը այստեղ տվել է այդ սահմանադրությունների զարգացման հիմնական
պատմական փուլերի որոշիչ բնութագրերը, միութենական հանրապետությունների գործող սահ-
մանադրություններում մատնանշել սովետական սահմանադրությանը բնորոշ հիմնադիր գաղա-
փաքների և սկզբունքների հաջորդաբանության անհրաժեշտությունը:

Մենագրության երրորդ՝ ամենից ստվարածավալ գլուխը, նվիրված է միութենական հան-
րապետությունների հասարակական հարաբերությունների սահմանադրական-իրավական կարգա-
վորման մեխանիզմի հետ կապված տեսական և գործնական խնդիրների վերլուծությանը: Այս-
տեղ գիտական լուրջ հետաքրքրություն է ներկայացնում հեղինակի մշակած տեսակետը՝ գլխա-
վոր սահմանադրական ինստիտուտի մասին, որը հնարավորություն է ընձեռել օրգանական կապ
հաստատելու մի կողմից հասարակական հարաբերությունների սահմանադրական-իրավական
կարգավորման և, մյուս կողմից, սովետական դեմոկրատիայի հետագա զարգացման ու ժողովրդի
սոցիալիստական ինքնակառավարման խորացման միջև: Հեղինակը հիմնավորում է այն գաղա-
փարը, որ ժողովրդի լիելիաբանությունը և նրա սոցիալիստական ինքնակառավարման համակարգի
հիմքերը ամրապնդող, ինչպես նաև ժողովրդին պատկանող պետական իշխանության իրականաց-
ման ու նրա սոցիալիստական ինքնակառավարման խորացման պրոցեսում ծավալվող հասարա-
կական հարաբերությունները կարգավորող սահմանադրական նորմերը կազմում են այն գլխավոր
ինստիտուտը, որի հիման վրա պետք է զարգանա ու կատարելագործվի պետական և հասարա-
կական կարգի հեղափոխական վերակառուցմանն ուղղված ողջ օրենսդրությունը: Իր բնույթով
նոր այս տեսակետը հեղինակի համար հիմք է ծառայել հանրապետական օրենսդրության կա-
տարելագործմանն ուղղված մի շարք արժեքավոր գործնական առաջարկներ մշակելու համար:

Գիտական և գործնական տեսակետից արդյունավետ է նաև միութենական հանրապետու-
թյունների սահմանադրությունների բարձրագույն իրավաբանական ուժի օբյեկտիվ նախադրյալ-
ների մասին հեղինակի մշակած տեսակետը, որը Վ. Նազարյանին հնարավորություն է տվել նոր
դիրքերից լուսաբանելու հանրապետությունների պետական և հասարակական կյանքում ծավալ-
վող հարաբերություններում այդ սահմանադրությունների՝ օրգանական կապերը, ինչպես նաև
նոր խոսք ասելու միութենական հանրապետությունների սահմանադրությունների ներքին կառուց-
վածքի և բովանդակության մասին: Հեղինակը իրավացիորեն գտնում է, որ միութենական հան-
րապետությունների սահմանադրությունների էությունը, բովանդակությունը, կառուցվածքը և
զարգացման օրինաչափությունները պայմանավորված են սահմանադրությունների միջոցով կար-
գավորվող հասարակական հարաբերությունների արմատական և հիմնավոր բնույթով, վերջին-
ներիս առանձնահատկություններով:

Գիտականորեն հիմնավորված է մենագրության հեղինակի ձգտումը՝ հասարակական հարաբերությունների սահմանադրական իրավական կարգավորման մեխանիզմը դիտարկելու պետական և հասարակական կյանքի վրա սահմանադրությունների թողած ընդհանուր կոմպլեքսային ազդեցության ոլորտներում: Դա հնարավորություն է տվել մեկնարանելու սահմանադրության թողած իրավաբանական ազդեցության բնորոշ գծերն ու առանձնահատկությունները:

Քննարկվող կարևոր խնդիրներից մեկը միութենական հանրապետությունների սահմանադրությունների անմիջական գործողության հարցն է: Հեղինակը, համաձայն լինելով սովետական իրավաբանական գրականության մեջ լայն ճանաչում ստացած այն տեսակետի հետ, համաձայն սրի սահմանադրությունը անմիջական գործող իրավական ակտ է, միաժամանակ գտնում է, որ միութենական հանրապետությունների սահմանադրություններում նորմերի զգալի մասի իրական ներգործությունը հասարակական կյանքի վրա կարող է արդյունավետ լինել միայն այն դեպքում, եթե ժամանակին ընդունվեն դրանց պահանջները կոնկրետացնող և դրանց կատարման համար իրական երաշխիքներ սահմանող օրենսդրական ակտերը: Այս դիրքերից Վ. Նազարյանը հանգամանորեն վերլուծում է միութենական հանրապետությունների սահմանադրությունների իրավաստեղծ պոտենցիալների իրացման հետ կապված հրատապ խնդիրները, ցույց է տալիս սահմանադրությունների տեղը և դերը հանրապետական օրենսդրության համակարգում:

Ուշագրավ է նաև հեղինակի հիմնավորած առաջարկը՝ միութենական հանրապետությունների սահմանադրությունների պահպանման նկատմամբ վերահսկողության արդյունավետ համակարգ ստեղծելու ուղղությամբ: Այդ կապակցությամբ Վ. Նազարյանը առաջարկում է միութենական հանրապետությունների դերագույն սովետներում ստեղծել մշտական հանձնաժողովներ, սահմանել, որ միութենական հանրապետությունների մինիստրությունների և մյուս գերատեսչությունների կողմից ընդունված ենթաօրենսդրական ակտերը կարող են գործողության մեջ մտնել միայն դրանց պետական գրանցումից հետո, որի ընթացքում պետք է մանրակրկիտ ստուգվի դրանց համապատասխանությունը սահմանադրության պահանջներին: Հեղինակը առաջարկում է նաև միութենական հանրապետությունների գերագույն սովետներին և դատախազություններին մասնակից դարձնել սահմանադրության պահպանման նկատմամբ վերահսկողության գործին:

Այս ամենով հանդերձ, աշխատանքը առավել կշահեր, եթե հեղինակը հատուկ քննարկման առարկա դարձներ միութենական հանրապետության ռահմանադրության կիրառումը մի կողմից պետական մարմինների, մյուս կողմից՝ հասարակական կազմակերպությունների, աշխատավորական կոնկրետիվների և քաղաքացիների կողմից: Ելնելով այն գաղափարից, որ սահմանադրության վերջնական իրացումը նրա պահանջների մարմնավորումն է պետական և հասարակական կազմակերպությունների գործողություններում և քաղաքացիների վարքագծի մեջ, ցանկալի կլիներ, որպեսզի հեղինակը առավել հանգամանորեն անդրադառնար այս կարևոր խնդիրներին: Օսկայն արված դիտողությունները չեն կարող կասկածի տակ դնել գրախոսվող մենագրության արժանիքները, որը, անշուշտ, նշանակալից ներդրում է սովետական սահմանադրության հրատապ պրոբլեմների հետազոտման բնագավառում:

ՎԱՆ ՄՏԵՓԱՆՅԱՆ

Իրավաբանական գիտությունների բեկեածու